

Broj: 01-01.3-305/19 S.L.

Datum: 24.06.2019. godine

Na osnovu člana 17.stav (1), člana 18. i člana 25. Zakona o javnim nabavkama („Sl.glasnik BiH“ broj: 39/14; u daljem tekstu Zakon), te člana 2. i 7. Pravilnika o javnim nabavkama JP Autoceste FBiH, te Odluke uprave broj: 01-2954-3/19 od 17.06.2019. godine direktor Javnog preduzeća Autoceste Federacije Bosne i Hercegovine d.o.o. Mostar, donosi:

Odluku o pokretanju postupka vanplanske javne nabavke

1. Pokreće se vanplanska javna nabavka radova: „Radovi na sanaciji klizišta na lokalitetu Treševine“, koja će se ugovoriti putem Otvorenog postupka. Kriterij dodjele ugovora je „najniža cijena“, propisan Zakonom i podzakonskim aktima za njegovo sprovođenje;
2. Procijenjena vrijednost nabavke iz tačke 1. ove odluke iznosi: 860.000,00 KM bez uračunatog PDV-a.
3. Služba javnih nabavki će pripremiti svu potrebnu dokumentaciju za provođenje postupka dodjele ugovora putem Otvorenog postupka utvrđenog u dijelu drugom, odjeljak C. Zakona.
4. Tenderska dokumentacija je besplatna, preuzima se putem Portala javnih nabavki.
5. Za ovu nabavku nije predviđeno provođenje e-aukcije.
6. Provođenje predmetne nabavke izvršit će Komisija za nabavke formirana od tri (3) člana u skladu sa Pravilnikom o uspostavljanju i radu komisije za nabavke („Sl. glasnik BiH br. 103/14).
7. Komisija za nabavke izvršit će otvaranje ponuda, pregledati, ocjeniti i usporediti ponude, te dati preporuku za donošenje odluke o izboru najpovoljnijeg ponuđača ili odluke o poništenju postupka nabavke.
8. Ova odluka stupa na snagu danom donošenja.

Obrazloženje

Izvođač na prethodnoj sanaciji radova ovog klizišta je angažovao projektantsku firmu, „Q design&QC“ d.o.o. iz Sarajeva, koja je izradila projektno rješenje sanacije klizišta na lokalitetu Treševine. Projekt je dostavljen 03.06.2019. godine. Procijenjena vrijednost radova predviđenih projektom iznosi 860.000,00 KM i dostavljena je 12.06.2019. godine.

Kako je stabilnost usjeka na desnoj strani autoceste znatno ugrožena, a samim tim je ugrožena lokalna cesta, stambeni objekat i vod električne energije na vrhu padine potrebno je hitno pristupiti sanaciji padine kako bi se spriječile neželjene posljedice.

Procijenjena vrijednost nabavke je 860.000,00 KM, pa se nabavka provodi putem otvorenog postupka u kategoriji vrijednosnih razreda u kojem je vrijednost radova iznad 80.000,00 KM, a manja od 9.000.000,00 KM za radove u skladu sa članom 14. stav (4) Zakona. Postupak će se sprovesti prema odredbama Poglavlja II Zakona.

Za ovaj postupak nije predviđeno provođenje e-aukcije.



Identifikacijski broj: 4227691540006 PDV broj: 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 161020062470038
Federalna taksa za korištenje autoceste: 1610200062470232 i 3388902296565422
Naknada za korištenje cestovnog zemljišta: 1610200062470135 i 3388902296564549
Registровано u Općinskom sudu u Mostaru, MBS 58-01-0179-10

Na osnovu navedenog JP Autoceste FBiH d.o.o. Mostar je pokrenulo otvoreni postupak, koji se odnosi na izvođenje radova: „Radovi na sanaciji klizišta na lokalitetu Treševine“. Shodno navedenom odlučeno je kao u dispozitivu.

prilog:

-Odluka Uprave društva o vanplanskoj nabavci

direktor:


Adnan Terzić, dipl.ing.

Dostaviti:

-web stranica poduzeća

-a/a



Identifikacijski broj 4227691540005 PDV broj 227691540005
Glavni račun Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 338690229-6565422
Naknada za korištenje cestovnog zemljišta: 1610200062470135 i 338690229-6565448
Registровано u Općinskom sudu u Mostaru, MBS 53-01-0179-10

Handwritten mark

Broj: 01-2954-3/19
Datum: 17.06.2019. godine

Na osnovu člana 27. Statuta JP Autoceste FBiH d.o.o. Mostar br.1.1-3923-4/16 od 30.11.2016. godine i člana 10. tačka 3, člana 11. Poslovnika o radu Uprave br. No 1.01-2131-8/14 od 10.04.2014. godine, Uprava na sjednici održanoj 17.06.2019. godine, donosi:

ODLUKU

o pokretanju vanplanske nabavke za radove na sanaciji klizišta na dionici autoceste A1 Butila-Sarajevo zapad, na lokalitetu Treševine

I

Uprava JP Autoceste FBiH d.o.o. Mostar odobrava pokretanje vanplanske nabavke za radove na sanaciji klizišta na dionici autoceste A1 Butila-Sarajevo zapad, na lokalitetu Treševine.

II

Procijenjena vrijednost vanplanske nabavke iz tačke I. ove Odluke iznosi 860.000, 00 KM (bez PDV-a) koja će se provesti putem otvorenog postupka.

III

Ova Odluka stupa na snagu danom donošenja.

Obrazloženje

Dionica autoceste A1 Butila – Sarajevo zapad izgrađena je i puštena u promet tokom 2014. godine. Izvođač radova je bila firma Euroasfalt d.o.o. Sarajevo. Tokom gradnje navedene dionice, izvođač je dao prijedlog za izmjenu projekta, odnosno da se na lokalitetu Treševine, umjesto tunela radi široki iskop - duboki usjek, što je znatno jeftinije od projektiranog rješenja, pa je isto i usvojeno. Neposredno nakon puštanja dionice u promet, došlo je do klizanja i nestabilnosti na obje strane usjeka. Isto je izvođač sanirao po obavezama za garantni period, u toku 2016. godine. Na lijevoj strani usjeka radovi na sanaciji su dali željeni efekat i do danas stabilnost padine nije ugrožena. Na desnoj strani usjeka radovi na sanaciji nisu doveli do trajne stabilizacije zemljane mase. Do ponovne pojave nestabilnosti desne strane usjeka, na drugoj bermi, došlo je tokom mjeseca marta 2018. godine. Iako je formalno garantni period istekao, izvođač se izjasnio da će radove izvesti o vlastitom trošku. Razlog za ovakav stav, najvećim djelom je zbog činjenice da nisu izvedeni radovi



po projektu „Glavni geotehnički projekt sanacije usjeka Treševine od st. 7+900 do st. 8+030“ kojeg je uradio IPSA Institut u februaru 2016. godine. Kako je tada ovaj dio usjeka bio stabilan, odlučeno je da se radovi ne izvode u potpunosti po projektu, a ukoliko dođe do pojave nestabilnosti da će izvođač to uraditi.

Radovi na ponovnoj sanaciji nestabilnog djela usjeka na desnoj strani, započeli su krajem mjeseca marta 2018. godine, a u potpunosti završeni 24.12.2018. godine. Efektivno radno vrijeme je znatno manje od navedenog perioda izvođenja radova. Razlozi višestrukih prekida u radu izazvani su najvećim djelom lošom organizacijom radova od strane izvođača, izmjenom projektnih rješenja, što je takođe bilo u obavezi izvođača.

Neposredno prije potpunog završetka sanacionih radova iz 2018. godine, na širem lokalitetu uočena su manja pomjeranja terena oko saniranog područja. Navedena pomjeranja tla i pojava manjih pukotina potpomognuta nepovoljnim vremenskim prilikama, pogotovo u prethodnom kišnom periodu, znatno su eskalirala, te u ovom trenutku ugrožavaju lokalnu cestu i jedan privatni stambeni objekat. Dana 11.06.2019. godine, uočeno je pomjeranje i na prvoj kosini koja još u fazi izgradnje ove dionice stabilizirana sidrima i betonskim gredama.

Izvođač radova je angažovao projektantsku firmu „Q design&QC“ d.o.o. iz Sarajeva koja je izradila projektno rješenje sanacije klizišta na lokalitetu Treševine. Projekt je dostavljen 3.6.2019. godine. Procjenjena vrijednost radova predviđenih projektom iznosi 860.000,00 KM i dostavljena je 12.6.2019. godine.

Kako je stabilnost usjeka na desnoj strani autoceste znatno ugrožena, a samim tim je ugrožena lokalna cesta, stambeni objekat i vod električne energije na vrhu padine potrebno je hitno pristupiti sanaciji padine kako bi se spriječile neželjene posljedice.

Shodno navedenom, odlučeno je kao u dispozitivu ove Odluke.

Dostaviti:

1. Članovima Uprave;
2. a/a

Direktor
Adnan Terzić dipl.ing



Identifikacijski broj 4227691540005 PDV broj 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 3386902296565422
Naknada za korištenje cestovnog zemljišta: 1610200062470135 i 3386902296564549